

Biografija

Denijal Tulumović je rođen 25. 12. 1959. godine u Živinicama, gdje je završio osnovnu školu i gimnaziju. U januaru 1985. godine je diplomirao na Medicinskom fakultetu u Tuzli. Zaposlen je u Klinici za interne bolesti JZU UKC Tuzla.

Od marta 1985. godine do septembra 1985. godine bio je zaposlen u Domu zdravlja „Dr Asim Čemerlić“ u Srebrenici. Od septembra 1985. godine do decembra 1993. godine zaposlen je u Domu zdravlja Banovići.

Godine, 1986. položio je stručni ispit za doktora medicine u Republičkom komitetu za zdravstvo i socijalnu zaštitu u Sarajevu.

Od decembra 1995. godine do danas zaposlen je u Klinici za interne bolesti JZU UKC Tuzla, u Odjeljenju za nefrologiju, dijalizu i transplantaciju bubrega, gdje je dvije godine dana radio na mjestu Načelnika Klinike.

Godine 1991. započeo je specijalizaciju iz interne medicine u Internoj klinici JZU UKC u Tuzli, a specijalistički ispit je položio u istoj klinici u julu 1995. godine.

Denijal Tulumović je završio postdiplomski studij općeg smjera na Medicinskom fakultetu u Tuzli 1997. godine. Magistarski rad „Vrste i učestalost komplikacija u hemodijaliznih bolesnika s prvivremenim dvoluminalnim subklavijskim kateterom“ odbranio je u julu 2000. godine na Medicinskom fakultetu u Tuzli.

Doktrosku disertaciju pod nazivom „Funkcija bubrega u bolesnika koji su prebolovali hemoragičnu groznicu“ odbranio je na Medicinskom fakultetu u Tuzli, aprila 2004. godine.

1991. godine je završio Jugoslovensku školu ultrazvuka u Kragujevcu, a 1999. godine je završio Postdiplomsku školu ultrazvuka na Medicinskom fakultetu Univerziteta u Tuzli. Godine 2002. je završio Postdiplomski međunarodni tečaj Color Doppler krvnih žila u Tuzli. Iste godine je bio polaznik Evropske škole za transplant koordinate u Tuzli i usavršavao se iz oblasti transplantacije bubrega u Kliničkom centru u Ljubljani. U 2003. godini je pohađao i uspješno završio Internacionalnu školu iz kliničke nefrologije u Dubrovniku. Polaznik i uspješni diplomant Dijalizne akademije u Ghentu (Belgija), 2005. godine, a 2011. godine je pohađao i uspješno završio Jesenje peritonealne dijalizne škole u Warsaw (Poland). Edukaciju iz Color Dopplera transplantiranog bubrega proveo 2006. godine u AKH u Beču.

Član je uduženja za nefrologiju, dijalizu i transplantaciju Bosne i Hercegovine od 1996. godine i član Evropskog udruženja za nefrologiju, dijalizu i transplantaciju od 1997. godine. Od 2005. godine je član EACCME (European Accreditation Council for Continuing Medical Education Institut) – institucije evropske unije za medicinske specijaliste.

Na Katedri interne medicine Medicinskog fakulteta u Tuzli izabran je u zvanje Višeg asistenta 2000. godine, za Docenta u septembru 2005. godine, u zvanje Vanrednog profesora septembra 2010. godine, a u zvanje Redovnog profesora 2020. godine. Predavač je, od 2000. godine, na Postdiplomskoj školi ultrazvuka na Medicinskom fakultetu u Tuzli, a od 2010. godine Koordinator svih Škola ultrazvuka u JZU UKC Tuzla.

Od 17.07.2019. do 15.01.2021. obnašao je funkciju Premijera Vlade TK, s koje je odstupio promjenom vladajuće većine u Skupštini TK.

Godine 2021. odbranio diplomski rad na Univerzitetu modernih znanosti – CKM, Mostar na temu "Finansiranje zdravstvene zaštite i kontrola potrošnje na

sekundarnom nivou zdravstvene zaštite FBiH", te stekao zvanje Magistar menadžmenta u zdravstvu.

Za ostvarene rezultate u obavljanu profesionalnih zadataka i pri tome ispoljenu požrtvovanost i hrabrost u Sanitetskoj službi Armije Republike Bosne i Hercegovine odlikovan je odlukom Generalštaba ARBiH, 1996. godine ratnim priznanjem "Srebrni štit".

Juna 2009. godine dobio je Zlatnu spomen plaketu općine Živinice u povodu obilježavanja Dana općine Živinice.

Dobitnik je, sa grupom autora, priznanja Tuzlanska plaketa Općinskog vijeća Tuzla, 2001. godine.